

肥鄉縣志卷之十

武備

同仇敵愾兵貴寓之於農有勇知方民需教之以戰修  
內政寄軍令效收軌里連鄉除戎器備不虞利擅干戈  
揚威欲殺敵而致果必因時以制宜鬪仗心兵徘徊同文  
陣出入相友守望相助八千練子弟之兵備乃弓矢礪  
乃戈矛十萬鑄橫磨之劍陣非背水戰欲驅夫市人志  
可成城挺能撻夫堅甲艱思圖易共濟者相與和衷安  
不忘危有備者庶幾無患志武備

團練告示

肥鄉縣志

卷十

武備

一

團練之法始於明臣盧象升因明季流寇縱橫望風奔潰令  
民自謀生聚各衛身家又因湖北襟帶江山足資控禦先於  
荆楚奏請舉行嘉慶年間川楚教匪蔓延三省撲滅維艱各  
省大吏亦曾奏行團練明定章程三省之民得有子遺者咸  
資其力鄉團漸密賊勢遂衰此團練明效大驗也肥鄉今歲  
三次被兵必有不軌之徒與山東教匪暗相勾結內應不能  
先斷外患難以預防今以團練之新條參以保甲之舊制無  
事則比閭族黨有守望相助之資有事則軌里連鄉得內政  
軍令之意每村十家設團長一人五十家設摠團長一人一  
百家設正副團長二人無論紳民惟期公正綱宜總挈事貴

分司一切差徭詞訟錢糧由地方經管不必與聞惟盜竊防範姦細稽查是其專責盜竊自外來以三條防範之乘機槍奪者格殺無論形迹可疑者送官究辦來路不明者不許容留姦細自內起以三條稽查之私習邪教者報明正法窩藏盜賊報明治罪不安本分者報明重責內應之根株既斷外患之線索自清但村民愚懦性成恐招衆怨而不敢言畏有後患而不肯辦私衷輾轉諸事遷延今立團長專司其事有官作主有犯必懲宵小之劣迹潛消報復之私仇何慮復設三條以約束之通同作弊者一體治罪代爲容隱者重加懲責失於覺察者嚴加申飭奉行惟期實力簡明惟期便民此

## 肥鄉縣志

### 卷十

武備

二

團練之行於平日者也賊踪之出沒無定賊馬之飄忽無常肥鄉曠野平原無險可扼不築堡寨難禦奔衝合屬村庄以堡寨名者甚多古人曾設以自防後人遂因之不草茲仿其意略爲變通四鄉集鎮及人烟稠密之村宜仿照挑挖城濠之例按畝出錢各開戰濠以限戎馬卽以其土築牛馬牆以高可蔽人爲度則守禦有險可憑附近村民亦宜量力出資共相修築一有警報着屬輜重分送堡中地旣近則情誼必親面旣識則姦細易辨各團長務宜妥爲安置細爲稽查以堅壁清野之謀作亡羊補牢之計守旣足恃戰可徐圖賊之來無定踪猝不及防被禍最慘隣封有警遣人探聽情形不

待其來早爲防備昔北魏李崇之爲也各村置鼓一遇警報奮力擊之頃刻聲聞百里咸得授兵抵禦盜賊不敢公行今茲各村或撞鐘或敲鑼或擊鼓使之聲聲相應一村如此各村皆然庶幾先爲防範矣賊之來舉火爲號令民驚遁得肆搶掠之謀其實所燒者柴草耳放火者不過一二人耳撲滅其火挈獲其人村民衆多綽有餘力矣何必預爲逃避乎賊之來邊馬先至謂之探馬頭一以探兵之有無一以探路之險易村民驚懼往往一二邊馬到村合村遠避無可如何此不過虛聲恐嚇耳其實無能爲也竭力以擒之甘言以誘之暗從而殺之邊馬不返則不知虛實不敢冒昧進兵矣賊之

肥鄉縣志

卷十

武備

三

來大隊在後止可智取不可力爭令民造飯暗藏毒葯於飯菜之中令民喂馬暗藏毒葯於草料之中葯毒既發人馬咸斃此秦人毒涇上流之法也賊之來恃馬隊堡外各挖搗坑浮土掩之馳驟之餘馬必顛躓堡外通衢大路暗埋鐵蒺藜馬蹄被刺不敢前行牛馬牆上安放火鎗臨近濠邊開鎗擊之馬必驚潰矣村民素不知兵又不習學拳棒遽驅之戰無步伍必亂見鎗炮必驚勢之難行者也唐李抱真之帥昭義也令民時時習射以考課而督帥之故昭義之兵弓弩爲天下之冠邢洺磁澤潞五州唐昭義之地也肥鄉地屬洺州訓練宜遵古制務宜演習器械施放鳥鎗日久則技精力足則

胆壯賊退則足以禦侮賊來則可以衝鋒衆志成城無過於此此團練行於臨時者也本縣連日下鄉兵火之餘傷心慘目爲此愷切曉諭勢在必行爾紳民如有素習韜鈴素饒智計者亦宜自出已見詳細呈明本縣得廣益集思本地亦有備無患實有厚望焉

### 操演器械告示

團練之法無器械則赤手空拳無以禦侮不操演則藝疎技拙難與爭鋒考之書備乃弓矢鍛乃戈矛礪乃鋒刃謂之三陣卽今之弓箭長矛短刀也礪字從石左傳叔山冉桀石以投人卽礪也並非火器元太祖征西域始得火礪世祖時攻

## 肥鄉縣志

### 卷十

武備

### 四

宋襄陽五年不下運礪擊之一礪碎其城樓再礪破其城垣呂文煥由是遂降此大礪之始也明初設神機營張輔平安南曾以之破其象陣成祖親征朔漠亦資之屢奉犁庭掃穴之功此火鎗之始也大礪攻城陷陣直搗中堅最爲利用但沈重難致運用不靈民間操演未易施放抬鎗鳥鎗進步連環聲勢連絡步隊當之則必破馬隊遇之則必驚陷銳催堅故以之爲第一陣然身後無護之者心慌手顫打無準頭兩旁馬隊衝之身不及回火不及發惟棄鎗而遁耳有長矛以救之身後之護衛有兩旁之奔冲可遏此長矛所以爲第二陣也火性上炎打高而不打下烟焰迷漫之際賊持短刀伏

地而進忽然突犯抵禦維艱此嘉慶年間東鄉之役總兵何于卿袁廷璜所以爲教匪所敗也有短刀以護之高下無可乘之隙長短有相救之功此短刀所以爲三陣也古者獮狩蒐苗四時田獵皆於農隙以講武事步伐止齊詳於周書牧誓坐作進退教於周禮夏官此隨時操演之法也爲此曉諭四街居民鋪戶擇空閒之地分立四局年力精壯者齊心演習派練勇技藝優嫻者教習而督率之四關附於四街以歸簡易每局頒發抬鎗若干杆鳥鎗若干杆長矛短刀自爲備辦鉛丸火藥量力捐輸無口糧之費則經久可期無召募之煩則一呼立至以之守則憑高扼險足保堅城以之戰則敵

肥鄉縣志

卷十

武備

五

愾同仇咸成勁旅今準古兵寓於農法至良也願共勉之

招撫邪教告示

爲招撫教匪悉令投誠以宥罪愆而安反側事照得邪教之興爲禍最烈以燒香治病爲名以斂錢誨淫爲事以水火刀兵之劫數恐嚇愚蒙以無生老母瓢高老祖之妖言誑惑男婦愚民溺於邪說頓啟狂謀甘受誅夷罔知覺悟曷勝浩嘆乾隆年間王倫反於臨清嘉慶年間齊王氏樊人傑徐添德王三槐冉文籌等反於川楚李文成馮克善反於滑縣大兵一到旋即蕩平家業流離宗嗣滅絕所傳邪術毫無應驗欲逃不得雖悔難追此邪教斷不可習之

明驗也今歲山東莘冠等縣教匪勾結土捻各匪同時蠢動旗分五色依然齊王氏黃號白號青號藍號之故態也門分八卦依然李文成八卦教主之餘風也本地不法之徒暗相勾弓 畿南三府内外交訌經

欽差大臣勝 簡派援軍督率勁旅屢經撲滅痛加殲除十一月間大獲全勝教匪從士欽等俱各乞降捻匪劉占考等亦各就撫十二月初四日

欽差大臣勝 奉

上諭山東各股教匪經勝保迭經剿洗窮感乞命呈交軍械匍匐營門經該大臣簡擇精銳責令隨營自効餘衆悉令

肥鄉縣志

卷十

武備

六

歸農著卽妥爲安插前所犯罪過准予免究等因欽此恭錄札飭一體欽遵該降衆十一月二十五日所犯罪惡概予免究以廣

朝廷寬大之仁爲此曉諭軍民人等有誤習邪教者幸邀寬典宜改前非準其取保投誠既往不咎胡盧營王大中甘心背叛自取誅夷所有妻孥例應連坐經此審

恩赦之後亦準投誠地畝入官者俱各賞還令安生業倘敢邪心不改故態復萌必洗蕩村坊盡行誅戮

國法不容再犯

曠恩不可倖邀各宜凜遵勿違特示

長槍操演進退步法

周禮言坐作進退周書言步法止齊甚矣進退步法不可以不講也長槍進退步法以一打一戳爲合式打者分人之槍也戳者進已之槍也已之槍欲進不分人之槍已之槍無由進也欲用一戳先用一打人之槍欲分不進已之槍不能分也故用一打需用一戳此一定之法也分人之槍隨卽進已之槍則人之槍不能抵禦可以制其死命須連進數步以刺之人分已之槍則已之槍不能回必受其傷矣須倒退數步以避之有上槍式中槍式下槍式左槍式右槍式上槍刺馬上之人中槍刺馬之頭目下槍刺馬之胸腿左槍防馬之左

肥鄉縣志

卷十

武備

七

衝也右槍防馬之右衝也至於步卒接仗槍式莫不皆然欲進上槍式五人齊握槍上刺一打一戳以進之欲用中槍式五人齊平槍直刺一打一戳以進之欲用下槍式五人齊提槍下刺一打一戳以進之欲用左右槍式五人齊斜槍左右分刺一打一戳以進之此進步槍法也人握槍上刺我用上槍式一打一戳以分之人提槍下刺我用下槍式一打一戳以分之人斜槍左右刺我用左右槍式一打一戳以分之惟平槍直刺勢不能分需屈腿下身則槍尖在上用上槍式一打一戳以分之至於拖槍式尤利於退側身持槍倒退數步人奮力來追挺槍直刺回身撥槍一打一戳分槍卽進人來

勇猛適與槍湊自成擒矣卽回馬槍也此退步槍法也總之進步固進退步亦以退爲進卽此數法操演精熟克敵制勝所向無前矣

### 五花陣

此果勇候楊公陣法也公猶子斐臣從公兩次出師新疆以功保升知縣咸豐癸丑令容城而伯兄海門司鐸于容相得甚勸秋八月粵逆林鳳祥等田河南山西竄擾畿輔容城附近省垣大吏札飭團練斐臣出陣圖訓練士卒伯兄實左右之又同調署高陽亦以此圖操演有法得保無虞同治壬戌肥鄉兵亂伯兄以此圖寄

濂

## 肥鄉縣志

### 卷十

武備

八

以爲不時之需肥鄉練勇坐作進退步伐止齊毫無紀律楊樹屏問計於濂因出陣圖示之樹屏恍然有悟按圖操演不日而成始非無制之師矣肥鄉練勇所以制勝者賴有此耳

演陣圖說

大紅大令旗一面

左翼練總藍尖旂一面

右翼練總白尖旂一面

前隊小紅旂二面

後隊小黑旂二面

左隊小藍旂二面

右隊小白旂二面

中隊小黃旂二面

肥鄉縣志

卷十

武備

九

每隊鳥鎗手四名

刀矛手六名

應用器具

中鼓一面

銅鑼一面

擲子一個


執大令旂一人

吹手四名

炮手一名

司鼓一名


司擲鑼一名




肥鄉縣志

卷十

武備 陣圖







肥鄉縣志

卷十


武備 陣圖

十一


左右隊會合卽一字站立每人相離一尺擊鼓三聲刀  
 矛鎗各如式舉起鳥鎗上烘葯扣火繩聽喇叭吹天鷲  
 聲練長壯丁各吶喊三聲大令旂一壓各旂具壓鳥鎗  
 同時放排鎗齊響令旂一搖刀矛手往前札砍三步鳴  
 鑼一聲仍退回本隊



凡演武廳以向南論左藍旂屬木右白旂屬金前紅旂  
 屬火後黑旂屬水中黃旂屬土至合操時練總練長眼  
 看大令旂耳聽金鼓壯丁眼看練長本方小旂耳聽金  
 鼓聞鼓則進聞鑼則止凡大令前招則前隊進後招則  
 後隊進右招則右隊進左招則左隊進中招則中隊進  
 每隊進後立定聞椰子放鳥槍聞鼓刀矛戳聞鑼靜立  
 第一次



第三次




肥鄉縣志

卷十


武備 陣圖

十四

第四次



第五次



肥鄉縣志


卷十

武備 陣圖


十五

方陣


奔遇不虞之險非此陣不能自固



前後左右隊布爲方陣練長壯丁面俱外中隊居中循  
行四隅三匝聞柝聲各放鳥鎗吶喊立定



鳴鑼三聲左右旗門敞開中隊分左右翼出旗次前隊  
接中隊而行次後隊次左隊次右隊魚貫排列兩翼





寨工

同治二年四月大順廣道祝塏奉

旨 辦理堅壁清野候補典史潘珍會同署印知縣韓印  
教諭趙文濂訓導劉楓林勸諭鄉民多築堡寨自衛身  
家天台山王固遵諭築寨所有牆濠丈尺開工畢工日  
期及用過錢數詳明

道憲在案十二月十二日

道憲親往天台山驗工六年三月紳士各賞功牌職銜

天台山寨

寨牆高一丈七尺寬三丈五尺女牆堞口高五尺連牆共高

肥鄉縣志

卷十

武備 寨工

十九

二丈二尺堞口共一千八十五箇牆外地寬三丈濠寬三丈  
五尺深一丈八尺濠外路寬一丈周圍長七百三十九丈每  
丈京錢二十五千共錢一萬八千四百八十七千五百文占  
地一頃三十五畝五分七厘五毫糧銀八兩一錢六分七厘  
五毫飛洒在本村地畝內均攤完納種地三十畝以上者家  
少有餘但除錢糧不給地價三十畝以下者爲地無多每畝  
酌給地價十千共地八十一畝包地價錢八百一十千門四  
座每門用磚十三萬錢九百七十五千灰二十萬斤錢一百  
六十千木料錢三百五十千鐵器錢一百六十六千五百文  
石塊錢三十五千匠人工價錢一百七十五千每門共使錢

一千八百六十一千五百文鑄大炮四位大白龍炮四位劈山炮八桿抬槍五十桿刀矛竹鎗二百杆共錢二千一百千買火葯錢三百千以上共用錢二萬九千一百五十三千五百文四月二十日開工九月十五日工畢三年補修寨牆錢五百三十五千四年修外濠及濠邊內外牛馬牆高五尺四門鐵葉鐵釘包裹物工價錢二千二百五十千文五年修濠補牆錢六百五十三千文三次補修共使錢三千四百三十八千文自二年至五年共錢三萬二千五百八十一千五百文

王固寨

肥鄉縣志

卷十

武備 寨工

二十

寨牆連堞口高二丈三尺寬二丈七尺堞口五百八十箇周圍牆長四百二十丈牆外馬道寬二丈周圍長四百二十丈濠寬二丈七尺深一丈八尺周圍長四百二十八丈每丈京錢二十五千濠外車路寬一丈五尺長一百四十丈濠牆占民地五十六畝四分六毫每畝酌給地價十千糧銀飛洒在本村錢糧均攤完納寨門二座每門用錢一千八百千製抬鎗四十杆每杆用錢十二千開山炮十二杆每杆用錢八千鐵噴二箇每箇用錢七十五千製旗三十六面用錢五十六千長槍一百杆用錢六十千吏房二座用錢五十千以上九次共合京錢一萬六千二百六十千零六十文五月十五

日開工九月二十日工畢三年四年五年隨時修補共用錢  
三百七十八千兩次共用京錢一萬七千三百八十千零六  
十文

開山炮三十五尊牛腿炮二十尊抬鎗六十一杆鐵大炮七  
尊鳥鎗二十三杆腰刀六十七把雙手帶四把蔡陽刀九把  
月牙刀一百二十把竹杆長矛二百五十四杆噴筒四十二  
個翎箭八十枝火毬三十二個火箭一百十二枝五色大小  
旗幟一百四十八面號衣六百零五件九籠袋實存一百零  
九個紮頭布實存一百一十六塊紅布千斤帶四條大小鉛

肥鄉縣志

卷十

武備

二十一

丸五百八十七斤大小鐵丸三百八十一顆火繩一千五百  
盤鐵沙子一百四十斤鐵火鈎五把蔴搭六把皮葯葫蘆一  
百零九個烘葯葫蘆一百三十七個葯管子二百二十五個  
炮車六輛牛腿炮架子十六個布營棚十四架木方燈籠八  
十四個鐵釘滾木五十五個腰牌五百五十塊軍裝器械木  
架五座春秋刀三把銅鑼一面銅號二杆大號鼓一架神鞭  
五根弩弓一張鳥鎗架子九付火機子十個矛頭二十八個  
海螺二個雲板四十塊牛皮竹炮八尊鉄鋏七十六把木鋏  
四十一把營桌四張火繩架子一個本地鍋三口廣鍋二口  
雲梯一架

並鋏子四個

葯箱二十個水罐十六個蔴搭十二

個火叉二十二個劈山炮架子三十二個水車二輛水笕四  
個大炮車四輛大鐵釘十個大炮木蓋七個